

'U sapuri 'i 'llomu è 'u sapuri 'i Diu

Ci dissi mastru Vanni a lu Signuri :

“Picchè mi criasti senza sapuri
ca sugnu 'nsipitu com'a pagghja
e puru nu 'ran piccaturi.

M' avivi 'a ffari moriri, Patri Santu,
quann' eru ancora 'nta naca :
megghju 'nta na fossa 'o campusantu
chi ffari spirienza 'i piccatu.

Pèddiri l'innucenza è 'ran svintura
ti resta lu rimorsu e vita dura,
camini 'nto munnu dispiratu,
tristi, sulu e scunfurtatu.”

“No dispirari,” rispusi Gesuzzu,
“ 'a spirienza brutta chi facisti
ti giuva se' 'u me' cori capisti :
mi basta ca' tu ti pintisti.

Biniditti li caduti, figghju miu :
quannu ti susi e ti raddrizzi,
sì nautru omu, animuzza 'i Diu.

U' me' cori è comu na funnaci
unni bruciu u' mali chi facisti
e ti ridugnu sirinità e paci.

Si puru sì cchjiù niru di la pici,
u' to' Signuri, ti pidduna e ti binidici”.